


經律異相

才二十八

四百四十二
舍八

5-1114



British Library
Acquisition Department
96 Euston Road
London NW1 2DB
UK

經律異相卷第二十八

梁沙門

寶唱等撰



行聲聞道中諸國王部第五

橫興費調為姦臣所害鬼復為王一

感佛聞法得須陀洹道二

波斯匿王後園生自然耳蔗粳米三

波斯匿王請佛解夢四

波斯匿王求贖女命五

波斯匿王遊獵得末利夫人六

好信王發願灌佛七

耆域藥王請佛僧八

瓶沙王有四種畏九



瓶沙王樂食而死。生四天。主天十
瓶沙王與弗迦沙王親厚。各獻珍異

十一

赤馬天子。河佛無生死處。十二

多智王。佯狂免福。十三

橫興費。調為姦臣所害。鬼得為王。一

昔瓶沙王有一大臣犯事。徙南山中。去國千

里。由來無人。不熟五穀。大臣到中。泉水通流

五穀大熟。四方諸國有飢寒者。來至此。中數

年之中。便有三四千家來者。給與田地。令得

生活。其中三老諸長老。宿年共議。國之無君

由身之無首相。推至大臣所奉。大臣為王大

臣答長老曰若以我爲王者當諸國王之法左右大臣文武將士上下朝直發女問宮粗稅穀帛當如民法諸國老曰唯然奉命一隨王法即立爲王處置群臣文武上下發調人及築城作舍宮殿橫觀民被苦毒不復能堪皆發想念欲謀圖於王諸姦臣輩將王出獵去城三四十里於曠野澤中索王欲殺王問左右何緣殺我並曰民慕豐樂奉王以禮民困思亂破家鬻國王告之言卿等自爲非我本造枉殺我者神祇知之聽我發一願死不有恨即時願曰我本開荒出土養民來者皆富弊無極自舉我爲王依案諸國自共作此

臣答長老曰若以我為王者當諸國王之法左右大臣文武將士上下朝直發女闈宮粗稅穀帛當如民法諸國老曰唯然奉命一隨王法即立為王處置群臣文武上下發調人民築城作舍宮殿橫觀民被苦毒不復能堪皆發想念欲謀圖於王諸姦臣輩將王出獵去城三四十里於曠野澤中索王欲殺王問左右何緣殺我並曰民慕豐樂奉王以禮民困思亂破家嗇國王告之言卿等自為非我本造枉殺我者神祇知之聽我發一願死不有恨即時願曰我本開荒出土養民來者皆富樂無極自舉我為王依案諸國自共作此

今反殺我我實無惡於此人民若我死者願
作羅刹還入故身中當報此怨於是絞殺棄
屍而去三日之後王神還身中自名阿羅波
即起入宮哈殺新王并後宮采女左右姦臣
欲盡殺之國中三老草索自縛來向羅刹自
首此是姦臣所為非是細民所可能知乞垂
原恕願還治國曰我是羅刹與人從事食飲
當得人肉羅刹急性忿不思難三老曰國是
王許故當如前食飲所須當相差次國老共
出宣令人民從此為次家出一小兒生用作
食食羅刹王三四千家正有一戶為佛弟子
居門精進持佛五戒賢者大小懊惱啼哭遙

向崛山爲佛作禮悔過自責佛以道眼見其
辛苦便自說言因是小兒當度無數人便獨
飛往至羅刹門現變光相照其宮內羅刹見
光疑是異人即出見佛便起毒心欲前答佛
光刺其目擔山吐火皆化爲塵至久疲頓然
後降化請佛入坐頭面作禮佛爲說經一心
聽法即受五戒爲優婆塞臣吏催食奪兒將
還室家號哭隨道而來觀者無數爲之悲哀
吏抱兒擎食著羅刹前羅刹以手擎兒長跪
白佛國人相次以小兒食我今受佛五戒不
復得食今請以小兒持布施佛爲佛給使佛
爲受之說法呪願羅刹歡喜得須陀洹道佛

以小兒著鉢中擊出宮門還其父母而告之
曰使養小兒勿復愁憂衆人見佛莫不驚愕
怪是何神此兒何福而獨救之羅刹所食奪
還父母佛即說偈言

戒德可恃怙

福報常隨己

見法爲人長

終遠三惡道

戒慎除苦畏

福報三界尊

鬼龍邪毒害

不犯有戒人

見佛光像皆爲佛弟子聞偈歡喜皆得道跡

出法句譬
經第五卷

感佛聞法得須陀洹道二

舍衛國有二商人一人念曰佛身丈六華色

紫金頂有肉髻項背日光巍巍難言佛猶帝

王沙門猶忠臣佛陳明法沙門誦宣斯王明
矣知佛可尊佛知其意而熟視之其人心意
喜如獲寶其一念曰佛者如牛弟子猶車彼
牛牽車東西南北佛亦猶然佛知其有惡念
必獲其殃愴然愍之其人心惡二人俱去至
三十里有亭住宿酤酒飲之共評屬事訟之
紛紜其善念者四天王遣善神護焉其毒念
者太山鬼神令酒入腹猶火燒身出亭露卧
宛轉落車轍中晨有商人車五百乘經轍之
焉伴見之曰吾今衰矣還國見疑取物而去
名爲不義遂輕身委財而逝展轉遠邁去舍
衛數万里有一國國王崩無太子讖書云中

國有微人當王斯土羣僚議曰國之無君猶
體之無首難以久立也故王有馬常爲王作
禮若任王者馬必屈膝僉曰大善即具嚴駕
以王印綬著車上人馬填路觀者莫不揮涕
時彼商人亦出觀看國太史曰彼有黃雲之

蓋斯~~馬~~之氣也神馬直進屈膝舐足羣臣

欣豫香灑澡浴拜爲國主僉然稱臣王曰余
本商人無德於民不任天位羣僚曰天授有
德神馬屈膝於是遂處王宮聽省國政深自
惟曰我無微善何緣獲此必是佛恩使之然
也晨在御座歎佛無上之聖率土羣僚向舍
衛國誓首言曰賤人蒙世尊潤獲爲人君斯

士傳世不知有佛流俗之書亦無記焉願以
大明開斯國人之聾盲也明日願與應真聖
衆垂意顧斯一時三月佛告阿難勅諸比丘
明日彼王請皆當隨變化現神尊德令其國
民咸共覩焉諸天聞佛之彼教化相率導從
作樂歌德寶帳幢幡華下紛紛光色耀目佛
及應真皆坐正殿王自斟酌畢以小床於佛
前坐佛廣說法王曰吾本微人業無仗德何
緣獲斯佛告王曰昔彼國王飯佛王心念言
佛如國王沙門如臣王種斯栽今獲其果彼
人去佛若牛弟子若車彼人自種車轆之栽
今在太山為火車所轆自獲其果也非王勇

猛所能致。來為善。福隨履。惡禍追響之應聲。善惡如音。非天龍鬼神所授。非先祢所為也。造之者。心成者。身口矣。佛頌偈曰。

心為法本

心尊心使

中心念惡

即言即行

罪苦自追

車轆于轍

心為法本

心尊心使

中心念善

即言即行

福樂自追

如影隨形

世尊又告王曰。眾惡之罪最重有五。不孝不忠。殺親殺君。家滅國亂。重罪一也。羅漢之行。

得空不願無想之定。與佛齊意拯濟眾生而

愚害之重罪二也。佛者眾罪以畢。景福會成。

相好十力法導眾。生慈悲喜護心。過慈母而

愚惡謗重罪三也。清潔沙門志靖行高。懷抱

經法助佛化愚諸佛相紹衆生得度皆由衆
僧佞讒交構以致不調以不調故正法毀正
法毀則民狂走民狂走者三惡道興惱比丘
僧重罪四也佛之尊廟寶物水土衆生赤心
以貢三尊愚人或毀盜重罪五也犯斯五者
罪無有請謂之自殺身自滅族自投太山火
矣五罪之重於須彌慎無犯焉佛說經竟王
及羣臣皆得須陀洹受五戒爲清信士國民
有作沙門者守戒爲清信士者遂以五戒十
善而爲國政諸天祐護國遂興矣出自經
波斯匿王後園生自然甘蔗粳米三
波斯匿王宿植德本福響自應於後園中自

然生甘蔗之樹流出甘漿晝夜不絕又生一
株粳米垂穗數百取之無盡王受其福食之
無厭身體肥重喘息苦極不能轉側往到佛
所佞身揖讓在一面坐佛便說偈
若人能專意 於食知止足 趣欲支形命
養壽守道德

王歡喜踴躍即從座起辭佛還宮勅擎食人
在吾前者先說斯偈以為常法王轉減食身

減體輕行來無患

出出曜第
十七卷內

波斯匿王請佛解夢四

波斯匿王夜卧有十種夢一小樹生華二見
小樹生果三見犍牛從犢求乳四見人切索

羊隨後食五見十釜重上釜涌灌入最下釜
六見馬一身兩頭食麥七見血流成渠八見
澄水四邊清中央濁九見犬金器中小便十
見四方有四牛來相抵揆各散還去王見恐
怖衣毛皆豎即從卧覺便作是念我應命終
失此王位耶即往問佛佛曰大王勿懷恐怖
不由此夢乃失王位夢小樹生華者當來衆
生非法欲行常懷貪嫉與邪法相應若是時
人民不孝父母不承事沙門婆羅門便得供
養猶如今孝從父母供養沙門者也小樹生
果者當來衆生非法欲行常懷貪嫉與邪法
相應是時人民嫁未父而抱子歸不知慙愧

也犉牛隨犢求乳者當來衆生非法欲行常
懷貪嫉與邪法相應母守門女傍通以自存
活也人切索羊隨後食者當來衆生非法欲
行常懷貪嫉與邪法相應以己財寶與外人
通也夢十釜列上頭釜溢涌灌最下釜中者
當來衆生非法欲行常懷貪嫉與邪法相應
見語父母言速出此家詣山野澤我欲住此
村落也馬一身兩頭食麥者當來衆生非法
欲行常懷貪嫉與邪法相應彼依國王劫奪
婆羅門長者或依婆羅門長者劫奪王藏也
夢血流成渠者當來有國王不樂己境界便
集四種兵侵奪他界亦不可制不隨法教是

時人民死者衆多也。夢澄水四邊清中央濁者當來衆生非法欲行常懷貪嫉與邪法相應中國衆生好喜鬪亂邊國人民無有諍訟也。夢犬在金器中小便者當來衆生非法欲行常懷貪嫉與邪法相應我三阿僧祇劫勤苦所集法寶者皆當誹謗刁仗瓦石打我聲聞此沙門種所說非法好造歌頌也。夢四面有四牛來共相抵揆各散還去者當來衆生非法欲行常懷貪嫉與邪法相應是時四面有大雲起雷電霹靂不雨散去也是謂十夢應如是大王十夢者有是十應以是困緣王勿懷恐怖亦不命終不失王位皆是當來末

以法應如是大王當作是學王六歡喜

一出增阿

舍第四
十一卷

波斯匿王求贖女命五

波斯匿王女婆陀命過極愛念之未曾離目
殞葬已畢親觀如來頭面禮足在一面坐佛
言今王何故衣裳塵垢愁憂如是王言有一
女適命終甚愛念始殞葬竟欲以象贖女命
乃至車馬伏截愁憂苦惱皆由恩愛生所以
然者古者大王於此舍衛城有人女命終愛
念此女未曾遠目便自迷惑不有所識處處
遊行問人民言誰見我女大王當以此方便
知愁憂苦惱皆由恩愛生大王勿懷愁憂一

切恩愛皆當分離所生之物必當壞敗如是

廣為說法王受教而去出波斯匿王女命過詣佛經

波斯匿王遊獵遇得末利夫人六

時舍衛城中有一大姓婆羅門名耶若達多

饒財寶一婢名黃頭常守末羅園時彼婢常

愁憂言我何時當免出於婢時彼婢晨朝已

食分乾飯持詣園中介時世尊入城乞食時

黃頭婢遙見如來心自念言我今寧可持此

飯施彼沙門或可脫此婢使即授飯施佛世

尊慈愍受還精舍時黃頭婢即前進入末羅

園中波斯匿王嚴四種兵出外遊獵從人分

張馳逐羣鹿天時太熱遙見末羅園即迴車

往步入園中黃頭遙見波斯匿來行步舉動
非是常人即前奉迎言善來大人可就此坐
即脫一衣敷令王坐黃頭問言不審須水洗
脚不王言可尔即取水與王爲王揩脚復問
王言欲洗面不即更以水與王洗面復問王
言欲飲不即詣池更洗手取好藕葉盛水與
主復問王言不審欲卧息不即復更脫一衣
與王敷之見王卧已在前長跪案脚及餘肢
節解王疲勞黃頭身如天身細軟妙好王著
細滑心念言未曾有如此女聰明我所不教
而悉爲之王即問言汝是誰家女報言我是
耶若達家婢使差我守此園如是語頃王諸

大臣尋王車迹來詣園中跪拜王足在一面
立王勅一人汝喚耶若達婆羅門來婆羅門來
詣王所王問言此女是汝婢耶荅言是王言
吾今欲取爲婦汝意云何報言此是婢使云
何爲婦王言無苦但論價直婆羅門言欲論
價直百千兩金我豈取王價今持奉王王言
不介我取爲婦云何不與價即出百千兩金
與婆羅門即迎載入宮衆臣衛從末羅園中
將來故即別之末利夫人王甚愛敬復於異
時王於五百女人中立爲第一夫人在高殿
上便自念言我以何業報因緣得免於婢今
受如是快樂復作是念將是我先以和蜜乾

飯分施與沙門以此因緣今得免婢受如是

快樂耳

出四分律初
分十三卷

好信王發願灌佛七

古昔有佛号曰始無時有國王名曰好信好
樂佛法視佛無厭種尼俱類樹樹下為佛敷
栴檀牀座佛坐其上好信王聽經佛泥洹後
王不見佛便名尼俱類樹則為佛樹見之如
見佛日日往樹下坐常所坐處想聞教誡王
有青衣名曰拘錄常侍王邊夫人嫉妬雇婆
羅門令呪殺佛樹於是婆羅門四月七日夜
取南山中大毒蛇腦塗樹樹即枯死王即便
悲涕不能自勝四月八日夜半明星出時取

五色香水集華用灌此樹即還更生王便願
言當令十方諸佛生時用今日得道時用今
日般泥洹亦用今日從此以來諸佛興世皆
是此日故用四月八日灌佛也

出宿願
果報經

耆域藥王請佛僧八

耆域藥王請佛及僧唯除般若特磐特四月誦

掃帚名終不能得如來及僧往坐耆域舍行

清淨水如來不受耆域白佛不審如來以何

因緣而不受水佛告耆域今此衆中各有磐

特比丘是故不受耆域白佛此磐特愚鈍放

牛羊人皆勝於此佛告耆域汝不請般若特者

吾不受清淨水特耆域承佛教誡昂遣人往

喚磐特佛告阿難汝授鉢與磐特令莫起干
坐遙授與我耆域見此神力便自悔責咄哉
大誤毀辱賢聖今日乃知大犯口過即生敬
心向磐特比丘逾於五百僧世尊廣說過去
世時耆域為馬指販賣轉易嘗驅千疋馬往
詣他國中路有一馬產駒次駒乞人進至他
國與國主相見王語馬指君此千疋皆是我
馬一馬悲鳴其聲有異必生駭駒其駒長大
者價當千馬若得此駒諸馬盡買不尔不須
馬指追乞駒處其駒未經旬日便作人語語
其主曰若使馬指來求我者得五百疋馬可
與馬指求以一疋好_馬贖之其人答曰吾本

不強從。君索勤苦，養活君。今欲須以五百疋馬贖當相還也。遂從之。先薄賤馬駒，今貴。特後皆貴重。特因緣久矣。非適今。出請盤特此丘經

瓶沙王有四種畏九

昔瓶沙王先祖治罪人法。若作賊者，以手拍頭。賊大慙愧，與死無異。後更不作。至父王時

治若作賊者，驅令出城，以為嚴教。賊悉慙愧，與死無殊。後更不作。瓶沙嗣立，若作賊者，驅令出國。時有一賊，七反驅出，猶故復還。劫殺村城，最後縛送。王言將去，截其小指。時有司急截，恐王有悔。王自試，齒指痛殊難忍，即追莫截。臣答王言已截。王甚愁悔，即自念言我

不強從。君索勤苦，養活君。今欲須以五百足馬贖，當相還也。遂從之。先薄賤馬駒，今貴。譬特後皆貴重，譬特因緣久矣。非適會。出請譬特此丘經

瓶沙王有四種畏。九昔瓶沙王先祖治罪人法。若作賊者以手拍頭，賊大慙愧。與死無異。後更不作。至父王時

治若作賊者，驅令出城，以為嚴教。賊悉慙愧，與死無殊。後更不作。瓶沙嗣立，若作賊者，驅令出國。時有一賊，七反驅出，猶故復還劫殺。村城最後縛送，王言將去，截其小指。時有司急截，恐王有悔。王自試，齒指痛殊難忍，即追莫截。臣答王言已截，王甚愁悔，即自念言我

為法王之末而為非法之始夫為王者憂念
民下而截人指即自命駕詣佛白言我曾祖
先王迄至父王皆以法治民及到我身為惡
日滋正化漸薄謬得為王傷截人體自惟無
道愧懼實深佛告大王治國之法盜至幾錢
罪應至死至幾出國齊幾用刑王曰世尊以
十九古錢為一罰利沙槃分一罰利沙槃為
四分若盜一分罪應至死佛為說法王禮佛
而退時諸比丘言云何瓶沙王畏罪乃尔佛
言其不但今世畏罪過去有國名曰迦尸王
号名稱時國人民工巧伎術無不悉備以自
生活若無工伎者謂之愚癡若作賊者亦名

愚癡時有一人作賊縛送王所王言止止彼
人失財此人作賊我復何用共作惡為思惟
昔來始一癡人是愚癡人不能滿千我應命
終即持愚人付於大臣去我須千愚癡人用
作大會收覓數滿白我令知臣執持愚人繫
在一處王尋念言是愚癡者將無自苦便告
大臣好看此人莫令羸瘦著我無憂園中五
欲娛樂伎樂供給大臣奉教欲取王意加情
看視如是不久其數滿千臣啓滿千更須何
等當速辦之王聞此言甚大愁憂昔來久遠
始有其一人如何今者倏已千數將是末出
惡法增長王勅羣臣灑掃園內燒香懸繒備

辦種種餽饍飲食王與羣臣十八部衆詣無
憂園勅現愚人見其衣被垢膩爪長髮亂即
勅沐浴剪髮截甲給以新衣然後將來各與
種種飲食財寶恣其所須語令還家供養父
母勤修產業莫復作賊愚人聞勅歡喜奉行
時王以位授其太子出家入山學仙人法時
國王者瓶沙是也常畏罪報佛言瓶沙王不
但今世教令斬指追即還悔過去世時有婆
羅門無有錢財以乞自活是婆羅門妻不生
兒子家本有那俱羅由便生一子婆羅門念
如兒想那俱羅子於婆羅門亦如父想少時
婦生一子行乞食時便勅婦言汝若出行當

將兒去婦與兒食往比舍寄眷兒有酥酪香
氣毒蛇張口吐毒欲殺小兒那俱羅虫便作
是念我父母不在云何毒蛇欲殺我弟即殺
毒虵斷爲七分以血塗口當門而立欲令父
母見之歡喜時婆羅門始從外來遙見其婦
在於舍外便瞋恚言我教行時當將兒去何
以獨行父當入門見那俱羅口脣有血即作
是念我夫婦不在那俱羅於後將無殺噉我
兒以杖打殺那俱羅入門見其兒坐於庭中
味指而戲又見毒蛇七分甚大憂悔是那俱
羅救我子命我不善觀卒便殺之可痛可憐
即便迷悶躡地時空中有天即說偈言

宜審諦觀察

勿行卒威怒

善友恩愛離

枉害信傷苦

時婆羅門者今瓶沙王也

出僧祇律
第三卷

瓶沙王樂食而死生四天王天十

瓶沙王問目連何處天有好食目連歎曰四

天王天瓶沙應生兜率即念先生此天後

兜率命終爲此沙門王太子名曰最勝子

目連施設所說始人者以曾臆行名爲摩睺

勒生三手衆生名爲象問曰命故說人或是

摩睺勒或是象答曰謂彼衆生從光音天終

來生於此當時生畜生中但形如人飲食惡

意惡巧詐滋多故人相轉滅遂成畜生形如

毘婆沙

出鞞婆沙
第十四卷

瓶沙王與弗迦沙王親厚各獻珍異十一
時王舍國王名曰瓶沙少作太子常求五願
一者願我年少爲王二者令我國中有佛三
者使我常往來四者常聽說經五者聞疾開
解得須陀洹王皆得之時王捨國北遊異國國
名德差伊羅王名弗迦沙甚自高絕宿曾見
佛受佛經道學身中六分經謂地水火風空
心而瓶沙王與弗迦沙王生未相見遙相愛
敬有如兄弟常通書記更相問遺弗迦沙王
國中生一蓮華而有千葉皆作金色遣遺瓶
沙王瓶沙王見華大歡喜言弗迦沙王遺我

物甚琦有異瓶沙王作書與弗迦沙王言我國中有金銀珍寶甚多我不用作爲寶今我國中生一人華字佛紫磨金色身有三十二相弗迦沙王聞佛聲歡喜踊躍作書與瓶沙王佛教誠所行願具告意弗迦沙王却後數日自念言人命不可知在呼吸間我不能復待瓶沙報書勅諸小國王及羣臣嚴駕發軔欲詣佛所道逢瓶沙王書書上言佛教人棄家捐妻子斷愛欲當除鬚髮著法衣作沙門又疏十二因緣送與弗迦沙王弗迦沙王讀書竟自思念夜人定後羣臣百官衆皆卧出寂然共聲竊起亡去入丘墓間便自剃頭被法

衣作沙門佛以天眼見弗迦沙到王舍城止
於蜜家佛念弗迦沙王命盡明日即飛到蜜
家願寄一宿蜜家報言可得相容佛於一處
端坐便自念言是弗迦沙安諦寂寞起到弗
迦沙前問言卿師受誰道作沙門耶報言我
聞有佛今師事之佛念是賢者爲用我故作
沙門當爲說宿命時所知經尔乃解耳佛言
我爲卿說經事善聽之弗迦沙言善佛爲說
法得第三阿那含道能知是佛耳即起爲佛
作禮明日入城未遠有少齒牛觸抵弗迦沙
諸比丘白佛言佛昨於蜜家爲說經沙門爲
奔牛所抵殺當趣何道佛言我爲說經即得

阿那含生十六天上得阿羅漢令諸比丘共

取弗迦沙身好收葬之於其上起塔出瓶沙王五願

經又出弗迦沙王因緣經

赤馬天子問佛無生死處十二

時有赤馬天子容色絕妙於後夜時來詣佛

所曰佛言世尊願有能行過世界邊至不生

不老不死處不告赤馬無有能至者赤馬

天子又白佛言竒哉世尊善說斯義如世尊

說所以者何自憶宿命名曰赤馬作外道仙

人得神通離諸愛欲我時作念我有如是捷

疾神足如健士夫以利箭橫射過多羅樹影

頃能登須弥至一須弥足躡東海超至西海

我念神力捷疾今求世界邊便發足去唯除
食息便利減節睡眠常行百歲於路命終竟
不得至即沒不現

出雜阿含第二十九卷

多智王佯狂免禍十三

外國有惡雨若墮江湖河井陂池人食之者
狂醉七日有國王多智善相惡雨見雲以知
候蓋一井令雨不入時百官羣臣食惡雨水
舉朝皆狂脫衣赤裸泥土塗頭坐王殿上唯
王一人獨不狂耳一切羣臣不自知狂反謂王
狂何故著衣獨異衆人皆相謂言此非小事
思共置之王恐諸臣欲反便自怖懼語諸臣
言我有良藥能自愈病諸人卜停待我服藥

王便入内脱衣同其而出一切羣臣見皆大喜七日之後羣臣醒悟大自慙愧各著衣冠而來朝會王故如前赤裸而坐諸臣皆驚怪而問言王常多智何故若是王荅臣言我心常定無變易也以汝狂故反謂我狂非實心也

物出雜譬喻經第四卷

經律異相卷第二十八

舍

徒斯綺反租蘇反築音竹絞反古哈反殺或上

作呬許甲岨上求勿反擎京反食作撒非巨

長鬼反車下直列反經音曆轆同此載

書有徵之書先乃底反拯去聲濟上蒸字靖字靜

佞 讒 上 助 銜 反 子 枝 溝 候 反 古 孝 反 溝 計 也 下 古

甘 蔗 反 下 之 夜 穗 禾 音 迷 抵 突 正 上 音 底 下 徒 骨 反 綱

也 霹 靂 激 上 普 覓 反 雷 耶 若 者 下 汝 指

口 皆 反 藕 葉 上 音 偶 荊 記 滅 反 腮 字 盤 若 持 音 上

盤 掃 箒 下 上 蘇 到 反 駁 駒 有 上 必 角 反 班 騅 駁 駱 音 上

今 去 好 馬 非 駁 也 恐 是 齒 指 上 騅 駁 駱 音 上

吾 結 迄 至 上 許 屬 利 上 居 柳 反 十 六 錢 考 一

儵 已 上 倏 叔 忽 奉 詩 容 反 倏 指 上 音 朝 一 曾

臆 二 字 音 豎 墓 遐 上 正 作 蝦 音 曼 我 上 莫 官 伊

羅 醫 上 音 琦 竈 家 下 音 麻 音 捷 疾 上 才 陂 池

早 上 音 怖 據 下 其 反 家 下 音 遙 燒 捷 疾 上 才 陂 池

